



Broj: 15-03-16-5-34-164/21

Datum: 8.12.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## O D L U K U o izboru najpovoljnijeg ponuđača

### Član 1.

Najpovoljniji ponuđač u postupku javne nabavke taktičke odjeće i opreme **LOT 1 – Taktička odjeća**, objavljenom na *web* portalu Agencije za javne nabavke Bosne i Hercegovine, Obavještenje o nabavci broj 1110-7-1-60-3-97/21 od 16.11.2021. godine, koji je proveden postupkom konkurentskog zahtjeva za dostavljanje ponuda, je „**PATRIO**“ **d.o.o. Zenica**.

### Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom donošenja.

## O b r a z l o ž e n j e

Nakon provedenih aktivnosti, Komisija za provođenje postupka nabavke HTZ i radne odjeće, obuće i opreme je konstatovala da je rok za dostavljanje ponuda 1.12.2021. godine do 10:00 sati, te da su do navedenog roka za LOT 1 – Taktičke odjeće na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača „DANIAL S“ d.o.o. Tešanj i ponuđača „PATRIO“ d.o.o. Zenica. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su obrazloženi razlozi za izbor najpovoljnijeg ponuđača.

Zapisnički je utvrđeno da ponuda ponuđača Danial S d.o.o. Tešanj ne ispunjava zahtjeve iz tenderske dokumentacije u pogledu opisa predmeta nabavke i tehničkih specifikacija.

Naime, tenderskom dokumentacijom je traženo da ponuđač u svrhu dokazivanja da ispunjava uslove iz člana 48. Zakona, dostavi uzorke robe koja je predmet nabavke. Ponuđač Danial S d.o.o. Tešanj nije dostavio uzorak za polo majicu, dok uzorci za



pantalone i jaknu koje je ponuđač dostavio imaju na sebi deklaraciju koja ne odgovara deklaracijama koje su dostavljene u ponudi. S obzirom na navedeno ova ponuda ponuđača je odbačena kao nekvalifikovana.

Komisija je utvrdila da ponuda ponuđača „PATRIO“ d.o.o. Zenica ispunjava sve zahtjeve u pogledu opisa predmeta nabavke i tehničkih specifikacija, odnosno ista je kvalifikovana, a dokumenti su dostavljeni na propisani način kako je to definisano tenderskom dokumentacijom.

Analizom ponuda, u postupku sa kriterijumom najniža cijena, Komisija je utvrdila da je kvalifikovana ponuda ponuđača „PATRIO“ d.o.o. Zenica **sa ukupnom cijenom od 6.989,28 KM bez PDV-a, odnosno od 8.177,45 KM sa PDV-om** prihvatljiva, te s obzirom da ista zadovoljava zahtjeve ugovornog organa data je preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X



---

DIREKTOR

Dr. sc. Arif Nanić

Signed by: RTREIC  
дигитално потписано / digitalno potpisano / digitally signed